

Соколёнок



2/2016
март - апрель

Лачин

0+

КІЕЛ БАЗЛИ ГЬАЧАМ ДУРАБУЛХЪУСИ ДУРХІАС ХАСБАРИБСИ РЕСПУБЛИКАЛА ЖУРНАЛ



Къац!

Къацла хъимиҳъ кабикиб
Къадила някълизибад,
Гъяшиубли ахъбуциб,
Багълали къакла бухиб.

Гъандикиб дудешла гъай:
– ЩулхIела хIурмат бирен! –

Къакъализиб Къадини
Къацла бутIа чебаиб,
Чилирил лайбакIибси,
Чилирил ганзбарибси.

Къадини къацла бутIа
Гъяшиубли ахъбуциб,
Ил чянкази бергахъес
Дубхъиличи кабихъиб.

Гъандикиб дудешла гъай:
– Къацла дурхъадеш бален! –

Гушиубли чарухъун
Къади ѳа бархIи хъули,
Гушиублира хIеиб
Нешличи хIерикIули.

Къадини гIяхIил бала
Сай къацли валхни нешли,
Нешли кабихъибси къацI
Даим муриси бирни.

Гъандикахъиб нешла гъай:
– КъацI сархуси адам сай.
Къацла кымат балуси
Адам – ил чевяхIси сай.



ПЯЖАЙБСИ ҲАНЗА

Икъари шила мажлисличи къаркъала ғІяхІтигъунти устни цалабикиб. Шантани дучибти гъар журала къаркъубазирад илдани сенрилхъанҶа къаркъа чердикІіб.

—ХъанҶа къаркъубазибад къала жагаси бетарап. Дебаси ва гъанналис чилалра агарсигъуна.

ХІера, шанти билхъаличи дуррабухъун, устни къяйли кабизур. Лацла ца къяй белшун, илис кІиэсилра хІябэсилра ғІердаахъиб.

Удивад хІерикІуси къалли уэс, лацлушули абархибити устнира балли чула хІянчиличила гапбухъун.

— Къалара нушара заки адицІулра!

Марлира, я хъараайчи я хъараурли ғІергъи ил къала гапхІебариси адам кахІелун.

ХъанҶа къаркъаличила хабар ахирра къизилбашунаира баиб. Илди биалли чябхъинтас ахІмакъти, хабардерхурти бекІбяхъуни сабри.

— Нагагъ ил къала буруливан жагали биалли, ил ашкарли, нушала някълизиб бирар! — хІукмубариси илдани ва гъужумличи дурабухъун.

Дубурлантала я туши, я тупангуни аги. Амма душма хІархІубачирра дахъал къаркъуби лерри. Илкъаяда-



ли къизилбашуначи къаркъубала забарцур. Къаркъа чегибси душман, тяп хІархІяли вяхъябхІеливан, герилзулри.

Гіямал буунси душма вегІбекІ пикриухъун. ГІур къала макруличил бүцес къасбарили, хъанҶа къалализи бяркъурси къарчигъя бархъиб. Къарчигъали къалализи къизилбашунала кагъар кабухиб:

— Гаша дебкІайчи райдиадаллири хІушаб ғІяхІси бири. Някълизи вакІиси нушани мицІирли валтехІе!

Къизилбашуни жавабличи бахъхІи хІерли кахІебииб, ва баягъи чула

къарчигъала хъябличиб
бакъиб:

— Нуша райдиай-
чи хъункъаличир
гъез ляркъян. Ван-
заличир гъянжи-
къаркъа кадур-
хар, нушала яшав
кахъебурхар!

Къизилбашу-
нала хъуреба
ил жавабли
гъатъира гъалак-
саахъур, васвасъ-
айзи гъелабушиб,
гъелабяхъи чарбухъес
хъулбииахъуб. Амма
хъуребала вегъбекъили
илди вявбариб, икъари-
лантала жавабла хъял-
хъукму дагъес къасбариб.

Ил пикриличил илини бегълара
пасихъти къел адам декъарбариб, ва-
килти барили, къалализи бархъиб.
Икъарилантани къалала духънар
хъябал кур дуркъиб. Гъянжи чедиъ-
нан хъедатур. Ца курла бухънала декъ-
ли писбарили цъуббариб, къиэсил кур
цъуб анкъили къапъбариб, хъябэсил
кур шинни бицъиб. Илди хъябалра кур
душма вакилтази ярга-яргали чеда-
ахъиб:

— Хъерая: иш цъуба кур — декъла
саби. Сецац кайсалра иларти декъ
камъедикъар. Къиэсил кур — анкъила
саби. Кайсуцад — иларти ризкъи
дахъдикъар. Хъябэсил биалли — урхъ-
начил бархбасунси шара саби. Шара
сиябиуси замана хъебиар. Илгъуна
саби нушала ванза: илини нуша гуш-
ли хъедалтехъе.

Вакилтала хъекъси хабарли къизил-
башуни хъябал бархъи хъякли калахъ-
ун. Гъелабяхъи чарбухъес ибси къас
гъатъира бикъур.

Къизилбашунала ургав цагъатъи
пасихъси, халаси гъякълула адам лев-
сири. Хъуребала вегъбекъиличи вакъиб,
сунечил барх баягъи илди къелра
вакилра киб. Къелра илдани чула



хъулбани чебаиси гъяламатличила
бурибхъели, вегъбекъили имцъбариб:

— Нунибургъантазидигуцадмурхъти
чумал кур дуркъахъира. Амма цалра
курлизиб анкъила къякъ, я декъла пис,
я шинна къантъи багъархъебиуб. Или
биалли. дила лебилра бургъанти вис-
васъайзисаби. Се баралли гъяхъисил
багъес дигули, хъечи вакъисири. Ну
ишди хъела гъала кабиити къелра
пасихъкарличи хъерхес хъейрус, амма
нушани дуркъибти кураназисел селра
багъархъебиъни сен-сен иргъусил ба-
лули ахъенра.

— Гъанна нушани барес калунси
гъеладяхъи чардухъни саби, — иб ахир-
ра лехъкахъибси гъякълукарли. —
Хъушани дуркъибти кураназир декъ,
rizkъи, шин дагъархъедиънира тама-
ша ахъен. Нуша икъарилантала ван-
заличир сарра. Ил нушаб душмантас
ахъенну бузуси, сунес хъялалли къул-
лукъири ту дубурлантас саби.

Дугила-дуги башули, къизилбашу-
нани Икъарила мер-муса урдатур.
Муртрил бариси хъанцъя къаркъала
къала биалли гъаннара лебал, муси
сиртличил бархбикили, заклис убяхъ-
ибси тъалван тъашли.

ХЯСА КЬЯДГА

ХЯсанхъала анхълизиб
Къядгала хъалибарг леб.
Ил бегI гъалаб чебаиб
ХЯсай ишдус гъала хIеб.

ХЯса гъайла аргъили,
Лерилра журугдиуб.
Къядгнала пишаличи
ХЯсан тамашавиуб.

Неш-къядга, марли, лебри
Хала нешла къикIацад,
Авал дурхIяра лерри,
ГIяргIяла гидгурицад.

— Агь, хIушала азис дат,
Набзирад урухкIулрав?
ХIушала гъалмагъ виъни,
Марлира, хIебалулрав?

Гъари, далхара хIуша, —
ДуцIухъун ХЯсан хъули,
Ниъли бицIиб къямличил
Чарухъун ил улхъули.

— Набзирад хIедииша
ХIушакIун урузкIули?
Ниъ дужасли, хала неш
Рирар «Къядга!» — рикIули.

Къядга-дигара виас,
Савли ниъла вакъ бужас!
Хала нешли наб уми
Чинар дургура, улас?

Къядгни ниъли дужайчи,
Сай ца шайчи витIакIиб.
Ниъла гягI бакIиб диэс,
ГIур дужес алайдакIиб.



ХЯсан сай хIерикиули,
Къядгначи пишяхъили.
Ил чехIейули, къядгна
Ниълизи саб бяхъили!

Хала дудешли къядгни
Чедаили уилри.
— Вари, гъиммадуркIахъид! —
ХЯсайзи махикIулри. —

Къядга лебси анхълизир
Заралчиби хIедирап.
Ил биалли, анхълизир
Вацни булан камдирап.

ХIясанхъала анхълизир
Гинцби, хъярби дershъилри,
Галгаличир гимиргъи
ХIяса бекIгъунти лерри!

Хала дудешличил дарх
ХIясай гIинцби луцIулри.
«Чина бикиба?» или,
Къядга баргес умцIулри.

— Саби лебни багъахъес,
Сабигу хъехIбикIули.
ХIерагу, къакъличиб гIинц
Яни бергес архули! —

Хала дудеш ГIямар сай
БекIли гъакI-гъакIикIули. —
Ца бархIи чебаира,
ЧичIала гIяндбикIули!

— Хала дудеш, набзира
Сен чехIебаахъири?!—
ХIясан сай дугъалзули,
Хъарсбурили михъири.

— Хабарагарли сабри
Ил нуни чебаибси!
УчIес-лукIес балулри,
Левалри гIяжайбси.

— ХIязлис рикIуси ахIен
Хала неш набра «Къядга!» —
«Кайили, бержа!» или,
Вакъ бицIили, ниъ луга.

— ХIела къядгнала хабар
Иличира баилив?
Илди даахахъес хIед ниъ
Хала нешли лугулив?

— Халадаили сари:
Чулира гIямал биру,
Дарманбурили гIергъи
Къядгалис чIичIа агъу!



СяхI зе диху, сяхI зе садиху.
Хъар хъалк, хъар хъалк.
Ва къяца, къяца, къяца, къяца, хъяб хъанцIа къяца.
Ваши мякъяд.
Къямаурти гIябли
Ит къаркъаличиби къакъбала къакълизи къаркъа агили,
къагъбиубли къадалаб къакъба къакъличи бизур.
7) Шиниша шиша шалкIубуцили, Шихша сашар.

ГIалибег НУХИОВ,
Сергокала № 2-ибил СОШ

СОКОЛЁНОК



ВАЙТИ ПИШНИ ДАРХЪДАТУР!!

Хіязлис ахІенри палда-рангла, таргъаван гъярцІа, бугаси мухІила бегІ житас нуни Вайнукъя бихъибси. Чина дигІяндаралра, илини нешла ниъ, нуси, бурт хІедаргили кахІевли. Илдира хІедаили, гидгури дужи, деръахъес сурдатурти руди хъусдирхъи. ИлдачирадкІун нуша чердерхесра асубири, амма Вайнукъяла бегІла вайси хасиятре лебри: бара сайтІунти жибхІни, гІяргІяла хІули бигьи, хъядири. ДурхІнани ил чуйнара къаркъубала барив, амма хъулкила санигІят бархъІебатур.

ИтхІели, гъаргалав тІашли левли, Вайнукъя дуцІли къакъалаб багъарби-уб. «Се пикрибарилил вайберхли!» – ташмишикира иличи.

Къакъа бацІлири. Жита биали, лихІира гъаладяхІ дингаили, дигІяй хъусбухъун, мякълабси ахъси пІялпІялагличи гъамбиубли, чебяхІихъесбяхІиб.

ПІялпІялагла къамаличиб, хІябал къяли дархдикиbihІиб, вякълякъи-ла пукъа лебри. «ХІерагу, се къасли абицІусил Вайнукъя!» – шакиира ну илала уюйчи ва, арца хъалибарг берцахъес или, шятІбяхъира. Жита тІашбизур, набчи хІулби лямцІдухъахъун, сунес урехи агни ба-лули, чебяхІихъес даймбиууб. Гъатли се-байлра пикрибараичи, ил галгала хъар къамаличиб багъарбиууб. ХІера, ил байтармай пукъаличи мухІли гъам-бариб.



Нахла Вайнукъяли сунела хІянчи баріб әс викІули левли, рахли жидарибхІеливан чула пукъаличи кІелра вякълякъи дакІиб, дуклумачилра къялшубачилра Вайнукъячи дирхъесдяхІиб. Кахти тІама-гъама адердиб. Житара къацІбикІули гъачам цаличи, гъачам цархІилличи шурбірхъулри, цАкъ цагъуна ахІенри: илис галгализи атІахъунти дугати къялшуби пайдаладарес шакхІебикІулри. Вякълякъиби, жита зузириули, къакълизи къибикІес дехІдихъиб. Къялшуби датдухъунси жита ахирра кабикиб. Арцантира, илис гЕргъи игъубтиван, ванзаличир дагъардиуб, гІурра чедухъун. Палда-рангла гъезра ахъди-

ахъубли, Вайнукъя гъаббухъун ...

БаззадхІи бетахъили, ил чарбухъун.

Гъалаб гъярцІа, назиси жита цІерхъбиублири, пушбизурлири.

Ил савлиличибад бархІи ахъайчи берхІили бемжахъурси азбарлаб багълали гезкабикІи, цацахІели баҳъхІи вишихІебухъи ца гІямзила пяхъбирки, ахъси пІялпІялагличибси вякълякъила дурхІнани жаявлил бархъбатурси пукъаличи хІербикІи.

Урла хасиятуни дархъдатурсигъунари: гІур цалра жибхІя архІебухиб. Мар саби, Вайнукъяни нешла нийла чугаличи гъаннара хъулкнадбашес хъумуртули ахІен.

ХІУНИРА. БАЛАД МУРТ-БІАЛРА..

ГІахІмадхІяжи, газа-къелхІера къуцІарличи кадхъили, къаркъа адитІес дураулхъухІели, савлила манзилри. Къапула дурав ил гъуниввалтули, урши Ражабаттара леври.

— ХІерейс, хурегра хили, набчи вакІес хъуммартид. Кумекбарес гІягІнибиркур. Аргъирив?

— Аргъира, дудеш. ХІу чинав вируда?

— Убкъяри бехІличив: илаб хъанцІа къаркъала лес лебси саби.

Дурсри тамандиуб. Зилан дурхІни хІерила гЕргъи хІеркІличи базес аркъули биъни бурибхІели, Ражабатта пикриухъун: «Сепайда, набра дигахъира, дудешличи аркъуси хІейасри. Белики, вазра вазили, гІур укъяслира, илщад къанхІейишагу?...»

Чуднала тавраличил Ражабатта Убкъяри бехІличи ваибхІели, берхІи жаявлил хІерейчибад чеббухъири, бяхІчиси дубурличи гІяшбиублири. «ГІягІнилирив бурги, дурхІнас къадалар хІязани дехІдихъес. Чекавцира. Гъанна...» — сунези сай децІличил

викІулри ил.

Дудеш, папрусра пагъириули, диркъубти гІянжила бекІаличи кайилри. Илала кабизли вамсурли, гушлива гымукІили виъни балахъулри. ХІерлири уршира, гъанна ил челхъан или. Раҳли левгІев гымукІили виали, дяхъесра асубирап.

Юх, дудешли селра хІебиухІеливан, гъайра хІеиб. Касили таврара, нешли дархъиби нусила чудна укесяхІиб.

— Дудеш, чевверхи, къаниубра. Хъумартурра... — сен-біалра дудешла гълав мариэс дигули, къяна буриб уршили.

ГІахІмадхІяжини дубхІехъиб.

ЛехІдеш. ХІера, дудешли гЕргъиси чудула бутІара таманбариб. ГІур, таврализи калунти чуднира кайхъили, илини папрус алкахъун.

— Дудеш, чевверхи, ну къаниубра. ГІур илгъуна хІебирап, — гІяш-гІяшли тикрарбариб уршили.

— Балулра, - ахирра тІама дурбатур ГІахІмадхІяжини. — Ну хІечи хІерли калунра. ХІу лявкъуси гъунчи



хIерикIули, хIянчила тIягIям буун. Гъанна дураиркур, гIур дураиркур или, лехIли, хIерли. Гъайгъай, хIуни хIебалад дудеш хIерли кайънила мягIна. Асубирап мурт-биалра, хIу дудеш ветаурхIели, багьишину...

Дудешли бурибси «мурт-биалра» бакIиб Ражабаттачи 30-дусла гIергъи, сайра дудеш ветаурхIели. Дудешла у бихъибси марзла урши гIярмиялизи вархъибхIели.

Чарулхъуси манзил бегIтани урши-личибад кагъар касиб:

— КIел жумягIли хъулив вирус. ХIерли диира!

Ражабаттара илала гIямрула парх-къяра хIерли кабииб. ГIярмиялизивад чарулхъуси уршиличи бегIти сен-сен хIерли биругил, пулан адамли хIебагъесра асубирап. Аммаки цалра дурхIя гIярмиялизи вархъибсилис ил секIал якъинси саби.

Гъаргала кабиили, бегIтани кIел жумягIла бурхIни дуйгIули ка-лун. Берк-берж хIядурдариб. Узи-уршилизи, унра-хунрази багъахъ-ур. БиштIаси шилизизб анцIбукуь бегIталацун хIебирап. АрагIеб шан-тала бирап.

ШалгIердхъун кIел жумягI.

Урши чархIевхъун.

ГатIира ардякъун хIябал бархIи. Хабар-тIама аги. БегIтани лехIли, хIерли бархIи-дуги дуркIулри. Нешла сабур тамай каберхур:

— Военкомличи аркъулра, ишкъяй-да къакъарақIили руэс хIерирус!

— Рукъен, - иб къантIли Ражабатта-ни.

Сайра, гIур хъулив паргъатли калес хIейрули, дуравхъун. Унрала түкейзи ацIиб ва иб:

— БицIа ца станкан цIакътала, дила унра!

— Ражабатта, хIу сейкIулри? ХIябэсил дус бархъбатурси ахIенрив?

— Сабригу, нахIа пикрумани къакъавакIахъес.

— Уршиличила викIули ургуд? Сел-ра хIебирап, паргъатии. Дергълизив хIейэсгу?



— Биалра, бицIа ца цIакътала...

«Гъунчив сай, гъамли хъулив ви-парну, паргъатдирия» или, военком-ли неш хъули рапхъиб.

Ил бархIи бархIехъ ахирра чарухъ-унси уршили бегIти паргъатбиахъуб.

— Вай, хIябилра къакъадакIахъира, абас ват. Сен къаниубри? — хваррикIулри неш, уршила михъир-личи кIапIрикли.

— Неш, се рикIулри? Ну хIябал бархIи сайра къаниубси. Набчил варх чарулхъуси уртахъ гIярмицличив шад-див калунра...

Ражабаттани дубхIехъиб.

«Эгъ, дила урши, хIуни хIебалад дудеш хIерли кайънила мягIна. Асубирап мурт-биалра, хIу дудеш ветаурхIели, багьишину...» - пикри-ухъун Ражабатта.



Ахъсерси АБА

ЦумрикIули дайм алхунтачила
ХIерлизиб ухуси бишун шалара,
Ахиратлизиби ахIерти гъани
Дарманагар децIли игулри аба.

УркIецIи агарав ЧевяхIсилара,
Шишимтала умегI бужахъу вара,
Се гIяйибла бегIтив абни нушала
Илдас къакъабарес дунъяла шала.

ХIянмирируд аба хIял буаллира,
ХIела хIяндешли ну цумрикIахъулра,
Дарданала махли къухIризахъадли
ГIязабтазир гIямру нуни дуркIулра.

Диркъанир къарцада анцIкыилис хIела
ДармайГир умцIулра, ахIерси аба,
УркIила излумас варгес дяхънуша
Аллагъ, кумекбара бусраврикIулра.

Амма бургид хIуни ахъри нушабра
Ахъдуцили дурхъес дузабтачира.
БерхIила нурани дурчид вавниван
БерхIи агар шайчи дуртIид шантасра.



Дахадаевла районис

Дурхъаси район дила
Къабулбара иш деза,
ХIезир хIерхIерирасра
ХIед дайм рулгулира.

Гъайбатли кIайдяхIибити
Чедиулра чIакнира,
Илдачи мешубиркур
ХIела багъадуртира.

Шурмала дубуртала
Ахъдеш саби хабарла,
Илдани абиқъурти
Саби хIела гъубзнира.

Вавначибси аръаван
ЯхI умути рурсбира,
БучIа сабурла балгна
ХIялалти нешанира.

Ахъли далайрикIахъес
ХIуни гири ахърира,
ХIезиб дила бегIтира
АхIерсири хIу набра.

ХIури дила далайра
Дай уркIила балгара,
Дагъистайзизб пахрула
Район Дахадаевла.



ГУРДАЛАРА БЕЦІЛАРА ГЯМАЛ

Гурда, гЯмултар гурда,
Балулра хІела гЯмал.
Алавбухъун ласбухъун.
Къуйрукъли гъуни баріб.

ХІу набзи се бикІадра,
ГЯмулти хІела далас,
ХІела вайти пикруми
Нуни ледилра иргъис.

Хъар вацІайла ва хІяб беңІ,
Бахъ хамли гъаймабикІуд.
Щакъли гушли биадли,
Баши набчил балхари.

БеңІла мухІли гъаргбиуб,
Мурил шутри датдихъиб,
— Чинаба чебаахъа, —
ГурдачибаяхІ батбихъиб.

Гурда бахъ гъалакбикиб,
БеңІ разибикниличи,
Шиниш къарла дайлизир
КІелра цугли датдихъиб.

Ши ахъиб, къада ахъиб,
Гъеч селра баргхІебаргиб,
ГІясили беңІ жургъбухъун
ГурдачибаяхІ хъямбиқун.

— Ягъари се бирулриб,
Ца камсилра яхІара,
ИкІ дубура ахъадли,
Бургид хІед белкъесилра.

ХІяв беңІ гІурра бирхкаур
Гурдас гІергъи батбихъиб,
Хапли гурда тІяхІбухъун,
БеңІ курлизи кабикиб.

Цяб курлизиб щумбухъун,
Хъулбухъун лагбяхІ бакІес:
— Ташбизи нуни хІела
Лерил гъезби къябдириш.

ХІу багъандан бухъна беңІ,
Набра паргъатдеш агу.
— Диур хІуни дарибити.
Гъанна хІу илаб буэн.

ГЯмулти гъархІедизур
Гурда хурали буциб,
Курла бухІнаб беңІ калун,
Хъулкнас ахир кабихъиб.

БукІунра дуцІли вакІиб
Хурала, вяв-гъарайлис,
Дергун сунела маслис
Ахъри баркъа байтарман.



ЭСІУРМАТЛА «ЛАЧИН» журнала редакция

Нуша, Уркухъла дахъал шалубарси лицейла уршиби ва рурсби, «Лачинна дахъхила юлдашунি сарра. Нушаб иш журнал дебали дигахъехе ва ил чебетаахъили бучыси саби. Хаслира нушаб дигахъехе дурхана масхарала хабурти ва назмурти. Дебали Гяхидилзан хабуртала бухнабуц хясибли дарибити суратуни. Нушани литературала дурсрачиб произведение бучухели, бухнабуц хясибли суратуни дирехе.

«Лачин» журналли нушази тамашала секайчила балахъули саби, нушагъунти дурхана пикруми иргъулра, республикала журна-журала мер-мусала адамтачил тянишдирул-

ра. Беглара нушаб дигуси журнал саби «Лачин».

Учительницаны имзали классла дурабси бучилизиб пайдалабирили рираг «Лачин». Илди дурсрачи нуша мурталра херли дирехе. Нушала лицейлизиб леб «Никла пагъмурти» бикүси кружок. 5-6-ибити классунала дурхнанияра диштияти назмурти ва хабурти цаладирхъули бираар. «Лачин» журналла бяхяназир нушала умира чедаэс хъулдикулра.

Баркалла биаб «Лачин» журналла лебилра хянчизартас хаслира редактор Аминат Гябдулманаповас! Дирхулра «Лачин» гъатира гъалабях «урциличи». Херлира сагаси номерличи.



ДурхІнала ПАГЫМУРТИ

Дахадаевла районна Уркухъла М. XI. ГІялисултІановла уличилси дахъал шалубар лицейла бучланти нушачиб ГІяхІладли

Иш гъакІлизир нушани Дахадаевла районна М. XI. ГІялисултІановла уличилси Уркухъла дахъал шалубар лицейла дурхІнала кагъурти касира. Нушала Лачинничилара чула ГІяхІти пикруми делкІи сари. Саби бегІти назмурти, хабурти ункъли далкъаахъурли, чедетаахъили делкІесра илди бажардигишили саби. Илдала пагъмуртани нуша разидиахъубра. Илдала дарган мезла ва литературала учительница МяхІяммадова ПатІимат ГІалибековнани акІахъубли сари «НикІа лукІантала» кружок. Илини или алавбуциби ГІяхІцад дурхІни, никІа писательтира бетаурли саби. Ил чебаэсли саби илдала белкІани дучІухІели. Гъайгъайра, баркалла биаб илдала учительницас. Илцадра дурхІначил бируси мягІничебси ва литература руркъяхъуси хІянчилис.

Дахадаевла районназир илдигъунти лукІантала кружокуни лер Хъярбукла дарган мезла учительница ХІулаймат ГІядбурашидовани, КІишала учитель ва писатель Ибрагым Ибрагимовли, вахъхІила учитель Расул БяхІяммадовлира ГІяхІцад дурхІназир диги адикъур литератураличи. Даргала писательти цацахІели цІумбикІулира биар, лукІанти камбиубли саби или. ПатІимат ГІалибековагъунти учительти бахъал биалли, бучлантира, лукІантира имцІабикІниличи нушара дирхулра.

Дерхъаб хІушала «НикІа лукІантала» пагъмурти, кайсеная нушала «Лачинра». Ил мурталра дурхІнала гъалмагъ саби. ХІушала кагъарлисра баркалла биаб, гъарлимарли «Лачинна» къадри балулрая хІушани. Нушала «Лачинра» хІушаб мурталралис марси гъалмагъ бетарар.

ЛукІеная нушачи! «Лачин».



ГІЕБШНИЛА АРХІЯ

Ардякъунти гІебшнила ца бархІи нушала хъалибарг вацІализи бякъун. Ди-
гахъу дила бегІтас тІабигІят, вацІала мицІираг.

Дудешли цІа бикъур, нешли беркала хІядурбари. ХІябилра бизили бира-
къалли вацІализиб букуси къацІра! Гур дудешра нура вацІакадли къунзка-
духъунра. Дучира гІяхІцад щедеш: хъярби, гІинцби, дургби, мяхІяул, муръу-
хъули...


ИхтилатдикІули бархІи ахъиб. Дуги гъамбиуб. Дудешлира нунира чатир-
тІингІбарира, сенахІенну нушаб илаб дуги беркІес дигулри.

Ну рахъхІи калунра рускаэс хІерирули, журо-журала пикрумани ясиру-
ручили. «Нуша къалли делкъи дусаэс кадихъи-
ра, вацІала мицІираг гушли дургар. Илис дур-
гар илди тІама-гъамали диркъутира. Гъари,
хІебиалли, ца гІяхІси баркъуди бирис», или
ну чатирлизирад ду-
рарухъунра. БархІехъ
дуки уркалунти берклуми дучира ва чатирла-
рад гъарахъли ахІенти
къадубази кадихъира.
«Гъу, бисмиллагъ ба-
рая хІушанира, вацІала мицІираг», — ира набзи
нуни.

Чаррухъунра чатирлизи ва муриси
гъанкІлизи мурхърикира.

Илгъуна гІебшнила архІя хъумартес вира-
ру?

*ХІява Мусаева, Ур-
кухъла лицейла 5-ибил
«б» класла ручІан.*



“Гляярличи ГУР хъякъяс”

Леври бикІар, ца Гиса бикІуси адам. Илис дебали вацІа дигахъусири. ГъатІира цІакъли гляярвашес дигахъи.

Гъачам ил вацІализи дуравхъес валкъаурхІели, дудешли тІашаили сай.

— Мякъяд, дила урши, вацІализиб синка леб или аргъира.

— Ну урухкІули ахІенра, дудеш.

— УруххІекІни гляхІси саби, амма тупанг барх касадли, дила уркІи паргъатли бирар.

— Тупанг заябиубли саби, дудеш. Адавзи Глялибегли балбарес чесиб.

— ХІебиалли хІерли уэн!

Или биалра, Гисала сабур адхІебаиб, ва ил вацІализи дуравхъун. «Гляяр хІявкъяслира, архІя бариша, тІабигІят ва мицІираг чедаиша», — пикрикІули сай ил.

Вашули, вашули илини дахъал аварагуни, къадурби чедидяхъили сай. Ахирра, хІериқІалли — шурмазиб халаси тІярхъи. АхІеїцІуру, гъатІи? АцІили сай илила. ХІериқІалли — пукъалаб сунела сунени качІира бухъули, синкала дурхІя. Гиса чейібхІели, рахли неш чарбухъи бургар или, синкала дурхІя иличи дуцІбухъи саби. КІапІикили, ляжубази лямбикІули саби. Ил баркъуди Гисас лебІеб гляхІизурли, дурасили лебсигъуна къацІ синкала дурхІялис бедили сай.

Гур пикриухъи сай: «Неш синка чарбухъалли, дила аги

вайтІабиркахъу».


Гиса хъярхъли шурмазибси синкала пукъализивад гъараҳъикили сай. Хъули ваибхІели, илини чІумали сунези сунени иб:

— Юх, гур ну гляярличи хІякъяс! ГлягІнилив илдигъунти къугъати жан кадушес?

*Пана Мусаева, Уркухъла лицейла
6-ибил классла ручлан.*



Жұмх/ертеңи АРХІЯ



Ну Уркухъла лицейла 4-ибил «а» классла ручан Мяхіммадова Керимат сарра. Наб бурес дигулра тамашала архіяличила. Цаибил четверть таманбиубхіели, нушала учительница Аминат Мяхіммадовнани пикрибариб Гіярбуқіла шилизибси машгүрти мургыи-арцла устнала музейличил бучланти тянишбарес.

Архія гіяхібизур, сенахіенну бегі гъалаб сабри ил музей чебиуси. Нушала экскурсия дебали мягіничебиси, багъудлуми чедирціахъуси, хіядзухъеси бетаур. Нушани музейлизир дахъал жагати, гъар-урла секіл жадаира. Гъалар суратуназир ва телевизортазир чедиути, ишар хамдарес далли диубра.

Нушаб дяхішалали гъунибаиб Гіярбуқіла школала учительти, илдани нуша тянишдарра чула шила гіямруличил, мургыи-арцла устнала санигіятличил. Школала цаибил дерхіличиб Гіяхімадхан Абу-Бакарла у бихуси музей лебри. Нушани багъурра писательла гіямруличила ва творчестволичила, жадаира авторла



жузи, ил кайруси ута, сунела хатіли делкүнти кіапіри, хұнұл Фатима-чил ва уршбачил касиби суратуни.

Гіур нушаб унза гъаргдариб Гіярбуқіла машгүрси художественный комбинатли. Экскурсоводли дебали жагали някышдариби тіалхіяна: гажинти, күулсни, ханжулти, мургыи-арцла цархілти ваяхі чедаахъиб. Ну тамашариубра, илгъуна ца ваяхі барес багъандан сеңад диәс хіяжатлил пагъумурти ва адамлизибси сабур. Илди адамти -- машгүрти устни саби. Илхіейчирад нушазир Ватіайчи, вегіла районничи диги ва пахру имщиадикітуван дизур.

Ил архіяли наб имкан гиб нушала районна халқыличила имщиадалин бағъес. Гъанна хъулиб, столличиб Гіярбуқіла гажин чебиухіели, наб гъанбиркули саби, севанилчумалустала някълизи баibal. Ну хіядурлира Гіярбуқінталада пагъумуртаси зилантаси ихтилатрикіес ва «Лачин» бучлангазира багъахъес.

Керимат Мяхіммадова, Уркухъла Лицейла 4-ибил «а» классла ручан.



“СИХІРУЛА КҮММІ”

Учительли дарс таманбійни ба-
тъахъур. ДурхІнани хъули хІянчи
дневниклизи белкІун, ва хъярхъли
класслизибад дурабухъес балкъаур.
ГІса бегІла гІелав дуравхъун. Илис
хъули укъес бекІлил дигули ахІенри.
Къяшми декІлири, бекІ изулри. Чилра
чеваэс яра чичилра гъайикІес иштяхІ
аги. Ил 6-ибил классла ученик сайри.
Ишдус илис къияндулхъулри дурала
мезла ва историяла дурсри. КІелра
учительли (илдалара сабур таманби-
убли бииши) кІиллаби кадатур.

ГІса школала къапуличи
гъамиубхІели, цалра дурхІя азбарлав
аги. Илис гъаникиб сунела классла ру-
ководитель Ибрагым Мусаевичли ду-
рибти къяркъти дугъби. Гъанна хъулир
неш хумаррирап, илала малхІамти
хІулби думкъар. Дудешлира чуйна-
сабил гІуркъубяхъили сай, «кІилла»
какІейсис или бедибси гъай къянали
уббулхъули или...

Хъулив чилра аги. ТІягІямли
тНембикІуси нешли дигиличил
кІапІбарибси хурег. Беркесра иштяхІ
аги.

«Се бируси? Секъяйда «кІиллаби»
агардирути? – пикриикІулри ил. –
эгер хабарлизибан сихІрула къум яра
ручка лебси биалри.... ИлхІели къалли
нуни «шуллаби» кайсаси. Ибрагым
Мусаевичли классла гъалав гапви-
раси, лебилра дурхІнас набчил гъал-
магъбикес дигахъи. БегІти разибири.
Эгъ-гъей...

Амма чинабад биркахъусив ил
сихІрула къум? – илди къутІкъути

пикрумазив кайибси мерличив ГІса
ускаун...

Хапли чила-сабил малхІямси някъ
дакІубиуб. Ил ГІисачибяхІ гъамбиуб.
Някъли ГІисала бекІ хІяршбариб, чу-
мал къум гъадуциб. Някъ беткахъиб.

Школализи аркъухІели, илини
къум лезмила уди кабихъиб. Агъ, та-
маша! ГІисани някъ ахъбуцили, дарс
бурибхІели, лебилра уркІбухъун. Чу-
мал бархІи ГІиса разили сай. Сен
разили хІейруси гъатІи?! ЧіянкІли
къум лезмила уди кабихъалли, дурсри
хІеделчІи диаллира жавабти далули
виалли? Лебилра учительтира разили
саби илизир хапли дакІудиубти «ба-
гъудлумачи дигиличи». Дудешлира ну
вахъхІи дигІянали хъуликІуси вело-
сипед асес пикриличила багъахъур.

ГІисани сай вайтІа учіту
бурхІначила хъумкартур.

Гъачам ГІисас къум беркес
гъанхІебикиб. Илини бегІ гъалаб
някъ ахъбуциб. Доскала гъала ду-
равхъун, мухІли абхъиб ва..., Се
биубли? ГІисала мухІлиларад та-
машала тІамри дурадикиб. ВяхІ?!
ГІисани мухІли гІурра гъаргбариб,
гІурра ... селра барсхІебиуб. Классис
гІячихъбиуб «ГІисала белчІуди»,
дурхІни ахъли дукарбяхІиб. Алпият
МяхІяммадовналанякълизибадручка
кабикиб. Ил дебали ГІисириуб, амма
селра хІеиб. ГІиса хІунтІениуб, май-
аливатур. Къяшми руржексдяхІиб.
БекІ жургъбухъун. Илини гъачам-
гъатІи мухІли абхъиб. Илабад «нуни
къум хІеберкунра» ибти дугъби дура-
бикиб.



Ил гъанна къунбар ветаур. ХIулбала гъалаб дунъя цIударбиуб, Гиса кайкиб... ГIур ил чевсаргъиб. Ил муэр биаллира, илис дебалит IягIямагарлири. Гисас шилтахъчи ветаэс дигули ахIенри.

«Юх, — чумали никрибариб Гисани. «Шуллаби кайсули» ну учIес хIейаслира, «хIяблаби кайсес» вирус. Ну бажардиикес къасбираис. ХIяжатли

ахIен наб сихIрула къуми. Къянбулхъуси мерличиб кумек тиладибирис. Сеннира ну учIес ГягIнили саби. Гисала уркIи ряхIятбиуб.

МахIяммадова ПатIимат Гялибековна, дарган мезла ва литературала учитель. М. XI Гисултановла уличилис Уркухъла дахъал шалубарси лицей.



ЯНИ БАКИБ НУШАЧИ

Сагал дусли, арцайван,
Яни хиб мухIилизиб,
ДурхIини – рурсби лебилра
Гелабушиб хIязлизи.

ДяхIила цIуба юргъан
ТIинтIабарыб авлахъличи,
МузА-къада кIухдизур
ЛехIдешлис къарауйчир.

Кабихъун чякънар синка
ЛутIилиу пукъала,
ГъанкIлизи гIелабиркур,
БикIар, качIа бухъули.

Дай къакъалар шан чякни
Чедиур «адикили»
Ризкъила къукъри я къацI
Дургар ургадикили:

Яни биалра рахмаг
Дашар гIяхIти бурхIнира,
БерхIила нуранани
Хъумуртули ахIенра.

СихIрула суратуни
Пешкешдиру янили,
Юх, цалра зигархIелхъян:
«БугIярли саб, бугIярли»



Сабият Исупанова ,6-ибил «б» класс.

КъантIти назмурти

ХIябид Наврузовла «Дила мукъара» назму белчIи гIергъи дурхIинани иш-
дигъунти назмурти пикридариб.

ЦIуб мукърала «агурба»
ГъанкI бизили ихъахъу,
БайщIа къулала «мяли»
Халкъ шадли чебиргъахъу.

Ибрагым ХIясайниеев, 6-ибил «а» класс



Дила къугъал мукъара,
Сен цунни къунзбухъири?
Янашаб неш агарли,
Гашили гъабяхъилтив?

Гъамбии дила ахIер,
Дигулрану лявбарес:
ХIу набван нешлис нура
Дигахъу лявкаарес



Шарипат Рабаданова, 6-ибил «а» класс

Вай, хIябра иштихIдулхъан
Шан мазала мукърачи,
Шалигъарли думхIули
АйцIути музурбачи.

ГъатIира иштихIдулхъан
Хъяихъила вегI букийчи:
Бяхъили шятIахъира,
Дурзам кайу делхъличи.

Аминат Къурбанова, 6-ибил «а» класс

Букий шалкIубуцили
Мукъара бускалъахъа,
Муэр муръил биахъес
ГIяндан варгьира челхъа.

Рахли ил чебаргъалли,
БехIбирхъу букий хабар,
Тяп марси лякъирчиван,
Мукъарара лехIбилзан.

Аскандар Разакьев, 6-ибил «а» класс

Ва букиуни, букиуни,
Маза мяхIкамдарай:
Илдала цIуба мукъри
Цуръамайрахъидая.

Ва адамти, адамти,
ДурхIини мяхIкамбарай:
Дунъяличирти дургъби
Ташаэс цIакъ баргая.

Шамил МяхIяммадов, 6-ибил «а» класс.



Лебри дила ца кигъя –
Дурзамла ургаб багъя:
Сабайбхели къурбан,
Къяраиб вагъигливан.

Дурхъаси Аллагълира
Сен бархъибара байрам,
Бунагъагар мукъарла
Дубкъахъу назикти жан?



Патимат МяхИаммадова, 6-ибил «а» класс

ДУРХЪАСИ АДАМ

Дунъяличиб дурхъати
Адамти бахъал ахIен,
Нешван ахIерси инсан
ГъатIи гIур лерси ахIен.

Иличила белчIунра
Чум-чумра жузлизибад,
Чуй-чуйнара аргъира
Бахъал адамтазибад.

Нешли гиб наб гIямрура,
Дунъяла шаладешра,
Дагъахъур риштIахIелил
ГIямрула ГIяхIра-вайра.

Балас агара бахъал
Адамти гIязизтира,
Нешван гIязизси инсан
Балас гIур адхIелкIнира.

*Фатима Даудова,
6-ибил «а» класс*

Агъ, иди глеши

Хабаралра агарли
Нушачи гIебшни дакIиб:
Муза-къада, диркъурби
Дирихъма чузи дуциб.

ВацIала галгубира
Мургъи-рангла детаур
Ургубалар къар дархли
Дерубли духъутIдиуб.

Дугила манзиллизир
Иргъаси арцантала:
«ГIяхIли калена» или
Юглизи арцуртала.

*Аминат Къурбанова,
6-ибил «а» класс.*



КАЛАБ НУШАБ НЕШАНИ

Нешван дурхъаси инсан
Агара дунъяличив,
Илгъуна малхIямси жан
ХIебирар ванзаличиб.

Дулгулра Аллагълизи
Ратахъес ил аралы,
ИлхIели нуша, дурхIини,
ДирехIену хIулкIули.

Балулра леб илала
Гъабзалағъуна сабур,
Илизир духъули сар
Адаб, хIая ва диги.

РикIулра дунъя лебай
Калаб нушаб нешани:
Илдала дяхIличирад
ХIердилзахъес бац-берхIи.

Шарипат Рабаданова, 6-ибил «а» класс.

ДУСЛА АХИЕРСИ МАНЗИЛ

Наб ахIерти гIебшнили
ТIабигIят сабемцIахъур:
ЗурхIябла ранганазиб
Къугъали пархбухъахъун.

Галгубани кIарира
Гъанагарли пяхIадриб,

Къялубачирад цIедеш
ЧIянкIдиубли хIердизур.

Вяшбухъун бяргIиб дягIра,
Кадикиб дяргIиб забра,
МухIли бугал вацара
Хъярхъли бебшиб тIярхъила

*Фатима Даудова,
6-ибил «а» класс*

УРКИЕЦИЛА ВЕГИ

Жяв замана мискинни хIербирулри
ца хъалибарг. Неш-дудеш зягIиплири,
ил багъандан левси ца уршили илдас
къулукъириулри. Хъу балцулри, риз-
кыи сархулри, мицIирағ адилкъулри,
вацIализирад урцул дихулри.

Ца гъачам ил урцул дягъес
вацIализи вакIили сай. КъяйцI-
къяйцIухъи, берубси ца галга баргили
сай. Бяхъилигу илизи барда, галгали-
чибад шакъасахъили чякала дурхIя
кабикили саби.

Чеди хIерьалли – пукъя, ила-
рад гIурра чIинкIлинкIунани чIив-
чIивдикIули бурги гъардақIахъили
сари.

«Юх. ХIейрус, – викIули сай урши,
– иш галга бяхъес».

Илини чякала чIинкIлинкI сагали
пукъализи баахъили сай. ГIур деруб-
ти къялубала дехра бариили, хъули ча-
рухъи сай.

Уршила хабарличи неш-дудеш
лебгIеб разибиубли саби.

«ХIу духуси урши ветаурлири, дила
урши, – викIули сай дудеш. – МицIир
жан мяхIкамдарес багъурлири. ХIед
халаси керира бирар...»

Уршила гIяхIси баркъуди багъан-
дан, бикIар, бегIтира аракабиуб.

*МяхIяммадрасул МЯХIЯММАДОВ,
5-ибил «б» классла учIан.*



БукIун урши

Левли уили сай ца букIун урши.
Ил гъар бархIи шантала мазачил
дуки вашулри.

Ца бархIи аргъ барсбиуб, дирихъ
чебакIиб. Бурули бира, дирихъли
гъанкIра бихуси саби или. Галга-
ла уди букIун урши чIикьтIи сай,
гIур хIябалра сунела хялизи тяп
адамтазиван хъаркабарили сай:
«ХIеркабара дила дурзам!»

Делкъи маза ца мерличи чукур-
диубли сари. БукIун уршира ускай
сай. Хури къарауичи кадизурли
сари.

Дирихъ пайдалабарили, бецI
дурзамлис алабухъи ца маза бу-
цили саби. Хури гъямдикIули
сари, аммаки бецIличи чедухъ-
ес дибули ахIен. Илди илизирад
урухIулри.

ТIама-гъамали чевсаргъахъили
сай букIун урши. «Байтарманти!
Селис хIуша далхутира, бецIличи
чедухъес хIедирути?» – илини
хъаяхъиличил хурас дикахъи-
ли сай. Гъайгъай, хури бецIличи
детухъи сари. Урухбиуси бецI,
бархъбатурли мазара, гъаббухъи
саби.

ИлхIейчирад, бикIар, хури
букIун уршила мартi къараулти
детаути сари.

Мадина ИБРАГЬИМБЕКОВА,
5-иbil «б» класс



Даршал төрхъя

(халыла хабар)

БутІакъянчиби:
Вазир
Талхъан
Нукер
КІишибил нукер
Мискин

Автор. Талхъа сунела у белкіунси тІулека бетахъили саби. Лебилра къяйцІбикІули саби, умцІули саби, амма баргес бирули ахІен. Талхъан тахличи пашманни кайили сай. Иличи сунела нукерти, вазирти гъамбиубли бургира къухІдуцили тІашли саби.

Вазир: – ХІу араираби, талхъан, гъар мерличи даили къяйцІдухъунра. Амма тІулека баргес дирули ахІенра.

Талхъан: – Чили дила тІулека баргаллира, дила мулклизибад сунес дигуси секІал лугас. БелкІеная илгъуна багъахъни ва гъар мерличи чебяжІкахъая

Автор. Бардара хъуцІарличи кабихъили, вацІализивад чарулхъуси мискин адамли ванзаличиб лямцІбикІуси секІал чебиули сай. Касили хІерикІалли, талхъа у белкіунси тІулека. Мискин адам дебали разивиуб. Улхъули, тІяхІикІули вайли сай талхъа къапула гъала. АцІес вализурли сай. Нукерти гъалакабизурли, айцІахъули ахІен.

Мискин: (разили) – Нуни талхъа бетахъиси тІулека баргира. Ил чарбарес дигулра.. вархъааба талхъайчи.

Нукер: – Талхъайчи ацІес асубирузи ахІен. Биха нуни архис.

КІишибил нукер: – Биха, биха иша. Хүгъуна сиркынар вархъиуси ахІен талхъайчи.

Мискин: – ХүшанивархъхІеаслира, нуни талхъайчи сеннира биахъис, ва хІуша танбихІладирахъура.

Автор. Ит-иш бикІули кали саби,

ахирра вархъили сай. Талхъайчи ветаайчи, мискиннис вазир къаршиикили сай. Илинира мискин тІашиули сай.

Вазир: – Чина аркъулри? Хүгъунти бархъиути ахІен талхъайчи.

Мискин: – Нуни талхъа тІулека баргира. Ил бухили аркъусира.

Вазир: – Биха нуни архисра.

Мискин: – Нуни баргиси нуни архис.

Вазир.: – Бурулрагу, хүгъунти баши ту ахІен талхъайчи. Биха набзи.

Мискин: – ХІелугас. Нуни бухес хІейрулрав, нуни баргиси тІулека?

Вазир: – Се-дигара бара. ХІу талхъайчи хІерхъури.

Автор. Сегъунти гъай дурули хъалли, мискин вазирли талхъайчи ацІахъес ватурли ахІен. Ахирра кІелра вягІдалабиубли саби.

Мискин: – Наббедибси секІал хІедра байхъала бирираса, вархъааба.

Вазир. ГІяхІна. Къулбас кабати иш кагъарлизи. (КІилилра вягІда къулбасбарили саби. Ца кагъар вазирли сунечиб батурли сай, итил мискиннизи лугули сай). Укъен.

Мискин. (талхъайзи) – хІу аравираби, талхъан, нуни иш хІела тІулека баргира.

Талхъан. (разили, тІулека сайсули). - Бура, се дигулри хІед дила мулклизибад. ХІед дигуси каса.

Мискин: – ХІу аравираби, талхъан. ТІулека баргнилис набдаршал тІерхъа дяхъяя.

Талхъан: – Абдалиублитив хІу? ТІерхъали дирхъутив гІяхІдеш барисилис?

Мискин: – ХІела багъахънилизиб лебри тІулека баргисилис сунес дигуси бедлугас или. Наб даршал тІерхъа



дяхъяя. (чедибси хІева чеббатурли хІядуриубли сай).

Талхъан: (нукерлизи) – МехІур-секІал саю иш? Укъен, хІебиалли, кабуха тІерхъя. (нукер тІерхъаличил лявкъян).

Мискин: – ТІаш. Каягъари, хІушала вазир иша (бякъи нукертани вазир левкули сай).

Мискин: – Дайхъала ишис дяхъяя.

Вазир (ахъли): – Наб сен дирхъути? Наб хІейги мурчІи.

Мискин (талхъайзи кагъар чеби-ахъули): – ХІера, иш нушала вягІда.

Талхъан. (вазирлизи): – ЧіянкІувати! (вазирли хІева чеббалта. ШуцІали тІерхъа вазирла къакъличи дирхъу).

Мискин: – Ну гъалавра мискин сайри, гъаннара мискиннира, Гурра мискинни каласлира дила бутІара илис бедая.

Автор. Даршалра тІерхъа вазирлис дяхъили сари.



Вава-къарла уми делкІи кроссворд бицІахъая. Щударли чедидуциби-ти къунбазирти хІурпри удибси къяйлизи черделкІеная. ИлхІели ил къяйлизиб дурхъаси къаркъала у цалабиркур.

АлхъачупІ

АрцІи

РайхІян

Къакъажужу

Къяша

ЛукІлуқІи

МихикІ

Чурт

Шумер

Мурси



ЧЕРЯХІТИ БАРКҮУДЛУМАНИ ЖАГАДИРУТИ ГІЯМРУ



Мягіячкъалализібад гъаражъли ахіи мерлабиубли саби дубуртазибад гечбиутала ши Красноармейское. Илаб леб 25 ибил школа. Чуйнара наб къадарбиуб ил школализир дурадуркіти жура-журала гъунбаънибачир бутіакъяндеш дарес. Школала директор Бакунова Асват Къурбановна дила бегілара гъамтазирад гъамси гъалмагъ сари. Ил уржибси, сунезибра дахъал миллатунала учительтала коллективла гъаркъяна сари. 2003-ибил дусличирадлы ил школала директорли рузули сари, миллат хіясибли ил булеги сари. Сари акіубси Лакла районна Шавкрана шилизиб мургыла медальличил школлара белчі, ДГУ-ла математикала факультетра ункъли таманаиали, учительли рузес рехірихъиб. Чинар рузалра, сунела черяхіти баркүудлумани сунелара, сари-алавталара Гіямру жагадирахъули вяшрикіар ил.

Ил школализиб цаибил категорияла 34 учитель леб, илдазибад верхіел учитель чебяхіси котегорияла саби. Верхілануцара учительли «Халқыла багъудила отличник» бикіуси хіурматла уми сархиб. Тамашала ва жагати, дурхіни-ургар гъунибаъниби, учительти-ургар далгунти шадлихъуни-байрутти дирап

илар мурталра. ТОКС-ра акіахъуб илаб директорла икъалаличили. Писательтачил, Гіялімтачил, дургъбала ветерантачил, шила гъести Гіямрула адамтачил, Гіярмиялизир къуллукъуни тамандирутачил мурталра гъунбаъниби дурадуркіти сари. Чуйнара нура бикъри ретаурра илдигъунти далдуунаас.

Ил школализир руркъули сари даргала ва кіараҳъала мезра. Нуша писательтачил удирти классунала дурхіни гъунибаиб ца камси гъалабра. Дурхінани чула бегітала – нешла мез ва Гіядатуни Гіяхіл дяркъурлири, ва илди хіясибли сценкаби чедаахъиб. Назмурти ва далуити делчіун. Шагъарлизир нешла мезлис хасдарби конкурсуни дурадуркіули дирап. Илар нура жюрила член риусира. Гъалабван ил школала конкурса бутіакъянчыбани Гіяхіти мерани сархиб.

Ил школализи рашес наб имциали дигахъис, сенкіун ил шиличира шағъарличира мешсихіели. Хіурматла учительтала, ва илдачыла къайгъназирси директор Асват Бакуновала уржибити бархбасуни лерхіели, илди мурталра гъаларти къаяназиб чебаэс вирап. Дерхъаб илдала Гіямру рикіулра нура.

БУРАЛАБИ

ГъяхІгъабза гъачам убкIар, вайгъабза – азиরна.

* * *

ГъяхІгъабзани абзур ши балтахъа, вайгъабзани сунела юртра батахъес хЛейрар.

* * *

ГъяхІгъабзани гІяйиби сунечи чейсу, вайгъабзани – гъалмагъунаци.

* * *

ГъяхІгъабза шила пахру, вайгъабза – шила цІахдеш.

* * *

ГъяхІдеш – гъанбиркахъен, вайдеш хъумартен.

* * *

ГъяхІли башуси хъали баракатла бирар.

* * *

Заманаличиб арбукъес балути гІяхІли гІяхІти бирар.

* * *

ХIуни барибси гІяхІдеш хIебалуси адам, гъарахъли вати.

* * *

ГъяхІси адамла душман виъни гъалаб саби, вайси адамла

Гъалмагъ виъниличиб.

* * *

ГъяхІси адамлис зубрира кумекли дирап.

* * *

ГъяхІси барес хЛейрадли, вайсира мабирид.

* * *

ГъяхІси адамла някъби дузар, пЛягъила лезми.

* * *

ГъяхІси урчира цацахIели къардбулхъян.



Соколёнок
ISSN№0206 - 7935

ЛАЧИН

2/2016

март - апрель

Иллюстрированный детский журнал
Издается один раз в два месяца

Учредитель:
Правительство Республики Дагестан

Журнал зарегистрирован Федеральной
службой по надзору в сфере связи
и массовых коммуникаций.

Регистр. номер ПИ №ТУ5-0024
от 21 мая 2012 г.

Издается с января 1980 г.

Главный редактор
М. Ахмедов

Редколлегия:
А. Абдулманапова (редактор)
И. Ибрагимов
Т. Зургалова (ответ. секретарь)
М. Гамидов
А. Юсупов
Х. Курбанов
Х. Юсупов
Х. Габибова
А. Курбанова
А. Гапизова
М. Муталимов
М. Багомедов
Т. Саидов

Худ. редактор З. Даганов
Тех. редактор Т. Лузина
Художник номера А. Абдулманапова
Фотография обложки З. Даганов

Выход в свет 25.05.2016 г.
Тираж 671экз.
Заказ № 52

Типография: ООО «Издательство «Феникс пресс».

Адрес типографии: 367018, РД,
г. Махачкала ул. Петра I, 61

Редакция и издатель: Государственное
бюджетное учреждение Республики
Дагестан «Редакция республиканских
литературных журналов «Соколенок» и
«Литературный Дагестан»

Адрес редакции и издателя: 367025,
РД, г. Махачкала, ул. Даниялова, 55.

Даргинский язык

Индекс: на год - 63278,
на полугодие - 73903.

Цена свободная